

attulerit. Quo in genere ob egregia promerita singularem quamdam deberi laudem novimus Seminario Quebecensi; in quo spirare etiamnum videtur salutaris industria Auctoris sui, viri immortalis memoria dignissimi, cuius propterea nomen iure isti adhæret Lyceo. Sed illud Nobis est, ut debet, periucundum, quod Sedis Apostolicæ præcipue vos et sollertem in hac etiam causa providentiam memori cum gratia recolitis, et maternæ exhortationis vocem ad cumulandum istius faustitatis fructum expetitis. Nos certe non secus ac Decessor Noster illustris, Lavallianum Institutum studio omni benevolentiaque prosequi numquam destitimus. Consuevimus etiam eximiam vestram suspicere vel diligentiam vel præscriptionum Nostrarum observantiam, ut in eo tum litterarum et artium elegantia floreret, tum graviorum disciplinarum sana præceptio. In quo placet admodum, præcipue vobis curæ esse adolescentes sacri ordinis, nimirum ut tales existant, quales ad hæc tempora pernecesse est esse probe a doctrinis instructos et munitos. Quod autem te, Venerabilis frater, significasti velle, non clericos modo, verum laicos etiam, tum alumnos tum præter alumnorum numerum edoceri ius Ecclesiæ publicum, valde hoc tuum Nobis probatur consilium. Siquidem habebunt inde catholici homines prompta et parata armæ ad defendendam, quam vident ubique in discrimen adductam, libertatem dignitatemque Ecclesiæ. Itaque in navitatem sedulitatemque vestram comprobatio rectius Nostra quam cohortatio convenit: nec vero dubitamus, quin pariter elaboraturi sitis in posterum, atque adhuc fecistis. Prestat ut catholicorum opes, quod vehementer cupimus, vobis suffragari pergant: hoc persuaso incrementa Lycei magni Lavalliani quam maxime esse cum Ecclesiæ Canadensis utilitatibus coniuncta. Auspicem divinorum munerum et singularis benevolentiae Nostræ testem tibi, Venerabilis frater, ceterisque Episcopis collegis tuis, item moderatoribus Lycei magni, doctoribus decurialibus alumnisque universis Apostolicam benedictionem peramanter impertimus.

Datum Romæ apud S. Petrum die VII Iunii Anno MDCCCII,

Pontificatus Nostri vicesimo quinto,

LEO P. P. XIII.

Vén
Not
dont v
année
sous v
et par
être cé
n'igno
des, on
ques.
est uti
rappel
nécess
quels s
période
louang
au sém
taire d
immor
Univer
ment, c
prévoy
vous at
ronnen
décesse
citude
égaleme
et votr
gance d
ces plu